

四庫全書

子部

# 欽定四庫全書

子部

欽定授時通考卷六十三

詳校官中書臣寶汝翼

編修臣倉聖脈覆勘

總校官編修臣王燕緒

校對官檢討臣季學錦

謄錄監生臣左熙世

繪圖監生臣董椿

欽定四庫全書

欽定授時通考卷六十二

農餘

蔬四

生薑

椒 川椒 崖椒 蔓椒 地椒 胡椒 番椒

茴香 八角茴香 蒔蘿

韭 山韭 水韭

葱

蒜

水晶葱

薤韭

山薤

野薤

蘼荳

野蘼荳

苜蓿


欽定四庫全書



欽定四庫全書

生薑

卷六十二



生薑

薑禦濕之菜也苗高二三尺葉似箭竹葉而長兩兩相對苗青根嫩白老黃無實處處有之漢溫池州者良三月種五月生苗如初生嫩蘆而葉稍濶葉亦辛香秋社前後新芽頓長如列指狀采食無筋尖微紫名紫芽薑又名子薑秋分後者次之霜後則老性惡濕畏日秋熱則無薑氣味辛微溫無毒通神明辟邪氣益脾胃散風寒除壯熱治脹滿去胸中臭氣解菌蕈諸毒生用發熱

金匱要略卷六十二  
熟用和中留皮則涼去皮則熱八九月多食春多患眼  
孕婦忌食令兒盈指

羣芳譜種植宜白沙地少與糞和種熟耕縱橫七八徧  
佳清明後三日種濶一步作畦長短隨地橫作壠壠相  
去一尺深五六寸壠中安薑一尺一科帶芽大三指蓋  
土三寸覆以蠶沙無則用熟糞雞糞尤妙芽出後有草  
即耘漸漸以土蓋之已後壠中却令高不得去土為芽  
向上長也芽長後從旁掘去老薑耘鋤不厭數五六月



覆以柴棚或插蘆蔽日不耐寒熱八月收取九月置煖窖中寒甚作深窖以糠粃和埋煖處勿凍壞來年作種齊民要術崔寔曰清明節後十日封生薑至四月立夏後蠶大食芽生可種之九月藏此薑蘘荷其歲若溫皆

待十月

生薑謂之此薑

吳下田家志種薑宜甲子乙丑辛未壬申壬午

椒



椒

椒一名花椒一名大椒一名檳

爾雅云檳大椒注云實大者名為檳

一名

秦椒

以產自秦地故名今北方秦椒另有一種

今處處有之椒稟五行之精

葉青皮紅花黃膜白子黑氣香最易蕃衍枝間有刺扁

而大葉對生形尖有刺堅而滑澤四月開細花五月結

子生青熟紅為油亦可食微辛甘晉中人多以炆燈閉

口者殺人五月食損氣傷心令人多忘中毒者涼水麻

仁漿解之

陸璣詩疏椒樹似茱萸有針刺葉堅而滑澤蜀人作茶  
吳人作茗皆合煮其葉以為香今成臯諸山間有椒謂  
之竹葉椒其樹亦如蜀椒少毒熱不中合藥也可著飲  
食中東海諸島亦有椒樹枝葉皆相似子長而不圓甚  
香其味似橘皮

齊民要術熟時收取黑子

俗名椒目不用人手  
數近促之則不生也

四月初

畦種之

治畦下水  
如種葵法

方三寸一子篩土覆之令厚寸許復

篩熟糞以蓋土上旱輒澆之常令潤澤生高數寸夏連

雨時可移之移法先作小坑圓深三寸以刀子圓剷椒

栽合土移之於坑中萬不失一

若拔而移者率多死

若移大栽者

二月三月中移之先作熟穰泥掘出即封根合泥埋之

行百餘里猶得生

此物性不耐寒陽中之樹冬須草裹不裹即

死其生於陰中者少稟寒氣則不用裹

一本之性寒暑易容所謂習以

性

成候實口開便速收之天時晴摘下薄布曝之令一日

即乾色赤椒好

若陰時收者色黑失味

其葉及青摘取可以為菹

乾而末之亦足充事



務本新書三鄉椒種秋深熟時揀粒秋深摘下陰乾將  
椒子包裹掘地深埋春暖取出向陽掘畦種之二年後  
春月移栽樹小時冬月以糞覆根地寒處以草裹縛次  
年結子椒不歇條一年繁勝一年

農政全書中伏後晴天帶露收摘忌手捻陰一日曬三  
日則紅而裂遇雨薄攤當風處頻翻若爇則黑不香若  
收作種用乾土拌和埋於避雨水地內深一尺勿令水  
浸生芽其自開口者殺人

羣芳譜種植先將肥潤地耕熟二月內取子種之以糞灰和細土覆蓋則易生此物乃陽中之陰不耐寒冬月草苔免致凍死來年分栽離七八尺用蔴粃灰糞和細土栽忌水浸根又宜焦土乾糞壅培遇旱用水澆灌三年後換嫩枝方結實以髮纏樹根或種香白芷或種生菜皆辟蛇食椒

川椒 附

本草川椒一名巴椒一名蜀椒一名南椒一名唐菰一

名點椒一名含九使者

見陶穀清異錄

蘇頌云木高四五尺似

茱萸而小有針刺葉堅而滑可煮飲食四月結子無花  
但生於枝葉間顆如小豆而圓皮紫赤色李時珍曰蜀  
椒子光黑如人之瞳人故謂之椒目

羣芳譜川椒肉厚皮皺粒小子黑外紅裏白入藥以此  
為良他椒不及也

崖椒 附

本草崖椒一名野椒不甚香子灰色不黑無光



蔓椒附

本草蔓椒一名猪椒一名豕椒一名彘椒一名豨椒一名狗椒一名金椒野生林箐間枝軟如蔓子葉皆似椒山人亦食之

地椒附

本草地椒出上黨郡其苗覆地蔓生莖葉甚細花作小朶色紫白因舊莖而生即蔓椒之小者

胡椒附

本草胡椒一名昧履支向陰生者名澄茄向陽生者名胡椒

西陽雜俎胡椒生西戎摩伽拖國其苗蔓生莖極柔弱葉長寸半有細條與葉齊條上結子兩兩對其葉晨開暮合合則裹其子於葉中子形似漢椒至芳辣六月採農政全書今其種已遍中國為日用之物矣


番椒

附

草花譜番椒叢生白花子似禿筆頭味辣色紅甚可觀

子種

香 茜



茴香

茴香一名懷香

本草云俚俗多懷之衿衽咀嚼懷香之名或以此

宿根深冬生

苗作叢肥莖綠葉五六月開花如蛇牀花而色黃子如麥粒輕而有細稜俗呼為大茴香近道人家園圃種者甚多以寧夏者為第一其他處小者名小茴香辛平無毒理氣開胃夏月祛蠅辟臭煮臭肉下少許即不臭臭醬入末少許亦香故曰茴香

羣芳譜種植收時陰乾宜向陽地以糞土和子種之仍

種麻一窠以避日色十月斫去枯梢以糞土壅根下

八角茴香

附

茴香自番舶來者實大如栢實裂成八瓣一瓣一核大如豆黃褐色有仁味更甜俗呼舶茴香又曰八角茴香廣西左右江峒中亦有之形色與中國茴香迥別但氣味同耳


蒔蘿

附

本草蒔蘿一名慈謀勅一名小茴香羣芳譜云蒔蘿初

生佛誓國今嶺南及近道皆有之三四月生苗開花其  
子簇生狀如蛇牀子而短微黑芳辛不及茴香善滋食  
味多食無損健脾開胃下氣利膈溫腸殺魚肉毒補水  
臟治腎氣壯筋骨治小兒氣脹霍亂嘔逆腹冷不下食  
兩肋痞滿忌同阿魏食奪其味也

韭





韭

韭

說文云一種而久者故謂之韭象形在一之上一地也

一名豐本

曲禮云韭一曰豐本

名起陽草一名草鍾乳

本草拾遺云言其溫補也

一名嬾人菜

爾雅翼曰

諺云韭者嬾人菜以其不須歲種也

莖名韭白根名韭黃花名韭菁叢生

豐本長葉青翠八月開小白花成叢醃作茹益人

詩豳風四之日其蚤獻羔祭韭

禮記王制庶人春薦韭

夏小正正月囿有韭

宋史食貨志男女十歲以上種韭一畦濶一步長十步之井者隣伍為鑿之

齊民要術收韭子一如收葱子法如市賣者宜試之以銅鐺盛水加於火上微煮須臾芽生者可種芽不生者是衰鬱矣治畦下水糞覆悉與葵同畦欲極深韭一剪一加糞又根性上跳故須深也

羣芳譜韭根多年交結則不茂秋月掘出去老根分栽壅以雞豬糞亦可子種可生可熟可淹可久菜之最有

益者是處有之葉高三寸便剪剪過糞土壅培之剪忌  
日中一年四五剪留子者止一剪子黑而扁九月熟收  
子風中陰乾勿令浥鬱韭葉熟根溫功用同生則辛而  
散痰散血熟則甘而補中補腎除熱下氣益陽止瀉子  
甘溫暖膝腰春食香夏食臭多食昏神暗目不可與蜜  
及牛肉同食熱病後十日食之即發冬月多食動宿飲  
吐水酒後尤忌宿韭忌食五月食韭損人北人冬月移  
根窖中養以火坑培以馬糞葉長尺許不見風日色黃

嫩謂之韭黃味甚美但不益人多食滯氣發病

又種植土欲熟糞欲勻畦欲深二月七月種先將地掘作坎取椀覆土上從椀外落子以韭性向內生不向外生也常薈令淨四時類要云收韭子種韭第一番割棄之主人勿食事類書云韭畦用雞糞尤佳至五年根必滿蟠蚪而不長擇高腴地分種之正月上辛日掃去畦中陳葉以鐵杷摟起下水加熟糞高三寸便剪用凡近城郭有園圃者種三十餘畦貿易足供家費秋後又可

採韭花供蔬茹至冬養韭黃比常韭易利數倍或只就畦中覆以馬糞北面豎籬障以禦北風至春其芽早出長二三寸便可賣較之他菜為利甚溥

吳下田家志種韭宜甲子辛未巳卯辛巳甲申辛卯

山韭

附

爾雅藿山韭

疏韭生山中者名藿

本草山韭一名鐵

音鐵

形性與家韭相類但根白葉如燈

心苗山中往往有之

水韭


附

北戶錄水韭生池塘中葉似韭字林云簽音嚴水中野韭也

羣芳譜有二三尺者五六月堪食不葷而脆



葱





葱

葱一名扎

本草云草中有孔故字從孔

一名菜伯一名和事草

清異錄云

葱和羹衆味若藥劑必用甘草也所以文言曰和事草

一名鹿胎初生曰葱薹葉

曰葱青衣曰葱袍莖曰葱白葉中涕曰葱薹葉溫白與

鬚平味辛無毒有數種一種凍葱即冬葱夏衰冬盛莖

葉氣味俱軟美食用入藥最善分莖栽蒔而無子人稱

慈葱又稱大官葱謂宜上供也一種漢葱

本草云一名木葱其莖麤

硬故有木名

春末開花成叢青白色冬即葉枯亦供食品胡

葱生蜀郡山谷狀似大蒜而小形圓皮赤葉似蔥根似蒜味似薤不甚臭八月種五月收一名蒜蔥又名回回葱莖葉麤硬蒼蔥山蔥也生於山谷似蔥而小細莖大葉

爾雅云蒼山蔥疏云

蔥生山中者名蒼

生沙者名沙蔥又有一種樓蔥

亦冬蔥之類江南人呼為龍角蔥龍爪蔥羊角蔥皮赤莖上生根移下種之每莖上葉出岐如八角故名蔥白辛葉溫根鬚平主發散是處皆有生熟皆可食更宜冬月戒多食四月每朝空心服蔥頭酒調血氣正月忌食

令人面起游風生同蜜食作下利燒同蜜食壅氣殺人  
生合棗食令人病合犬雉肉食多令人病血服地黄常  
山人忌用

禮記曲禮葱漑處末

注漑蒸葱也

內則膾春用葱秋用芥脂用葱

又切葱若薤實諸醯以柔之

四民月令三月別小葱六月別大葱夏葱曰小冬葱曰

大

羣芳譜種植子味辛色黑作三瓣狀有皺紋收取陰乾  
若令浥濕則不生留春月調畦種良地三剪薄地再剪  
剪宜平坦避熱宜與地平勿太深太高八月止不止則  
無袍而損白凡栽蔥曬稍薦將冗鬚去淨疎行密排猪  
雞鳴糞和麤糠壅之不拘時冬蔥暑種則茂

吳下田家志種蔥宜甲子甲申己卯辛未辛巳辛卯

欽定四庫全書



欽定四庫全書

欽定四庫全書

十六

蒜



蒜

蒜一名葫

以來自番中  
又稱葫蒜

一名大蒜一名葷菜葉如蘭莖

如葱根如水仙味辛處處有之而北土以為常食八月

分辦種之當年便成獨顆及熟每瓢五七瓣或十餘瓣

亦有獨顆者苗嫩時可生食夏初食薑秋月食種乾者

可食至次年春盡花中有實亦作蒜瓣而小可食孫緬

唐韻云張騫使西域始得大蒜初時中國止有小蒜一

名茆蒜一名亂一名蒿

爾雅云  
蒿山蒜

一名澤蒜為其生於野

澤也又名山蒜石蒜為其生於山或石邊也

本草云山蒜澤蒜石

蒜同一物也但分於山澤石間不同

呂忱字林云嗒

音

水中蒜然則蒜不

特生於平原及山石而又生於水矣

本草云別有山慈姑老鴉蒜石蒜之

類根葉皆似蒜而不可食

性辛溫有小毒其氣薰烈能通五臟達諸

竅去寒濕辟邪惡消癰腫化癥積肉食解暑毒嵐瘴第

辛能散氣熱能助火傷肺損目伐性昏神有往苒受之

而不知者鍊形家以小蒜大蒜韭芸薹胡荽為五葷道

家以韭薤蒜芸薹胡荽為五葷佛家以大蒜小蒜興渠



慈葱蒼蔥為五葷雖品各不同然皆辛薰之物生食增  
恚熟食發淫有損性靈故絕之云獨穎者切片炙癰疽  
腫毒最效月令三月戒蒜亦忌常食

崔豹古今注蒜卯蒜也俗人謂之小蒜外國有蒜十許  
子共為一株籜幕裏之尤辛於小蒜俗人呼之為大蒜

齊民要術蒜宜良軟地

白軟地蒜美而科大黑軟次  
之剛強之地辛辣而瘦小

三

徧熟耕九月初種種法五寸一株

諺曰左右過  
鋤一萬餘株

二月半

鋤之令滿三徧

弗以無草而不  
鋤不鋤則科小

條拳而軋之

不軋則  
獨科

葉

黃鋒出則辦於屋下風涼之處析之

早出者皮赤科堅  
可以遠行晚則皮

善碎冬寒取穀耨

奴勒反

布地不爾則凍死收條中子種者

一年為獨辦二年則成大蒜科皆如拳又逾於凡蒜矣

多能鄙事熟耕地一二次爬成溝二寸一窠種一辦苗

出高尺餘頻鋤鬆根旁頻以糞水澆之拔去臺則辦肥

大不則瘦小澤潞種蒜初出如剪韭二三次愈肥美矣

一說九月初於菜畦中稠栽蒜辦候來年春二月先將

地熟鋤數次每畝上糞數十担再鋤耙勻持木橈插一

竅栽一株栽徧或無雨常以水澆至五月大如拳極佳  
四民月令布穀鳴收小蒜六月七月可種小蒜八月可  
種大蒜

吳下田家志種蒜宜戊辰辛未戊申丙子壬戌癸巳辛  
丑

水晶蔥 附

水晶蔥葉似蔥而實蒜不臭宜鬆土鋤溝擺於內用牛  
馬糞糠粃拌土蓋之仍以芝麻稽蓋於上八月種來年

五七月收宜薑酸浸

欽定四庫全書

欽定四庫全書

韭薤



薤

薤一名藟子

音叫或作藟者非

一名蓂子

蓂音釣因其根白呼為藟子江南人訛為

蓂子

一名火葱

收種宜火薰

一名菜芝

爾雅翼云夫物英華之美者莫如芝故薤曰菜

芝一名守宅一名家宅

見酉陽雜俎

本文作藟韭類也

爾雅云藟

似韭而無實亦不甚葦

葉中空似細蔥葉而有稜氣亦如蔥體光

澤味辛濕滑無毒二月開細花紫白色根如小蒜一本

數顆相依而生其根煮食芼酒糟藏醋浸皆宜故內則

云切蔥薤實諸醢以柔之

爾雅藟鴻薈

注即薤菜也疏葉似韭之菜也一名鴻薈本草謂之菜芝是也

禮記內則膏用薤

本草蘇恭云有赤白二種白者補而美赤者苦而無味王氏農書生則氣辛熟則甘美種之不蠹食之有益齊民要術薤宜白輒良地三轉乃佳二月三月種八月九月種亦得秋種者春末乃生率七八支為一本諺曰葱



三齏四移葱者三支為一本種薤者四支為一科支多者科圓大故以七八為率齏子三月葉青便出之未青而出者肉未滿令薤瘦燥曝按去茅餘切却薑根留薑根而濕者即瘦細不得肥也先重耬耩地壅燥培而種之壅燥則齏肥耬重則白長率一尺一本葉生即鋤鋤不厭數荒則羸惡五月初耩不耩則白短葉不用剪剪則損白供常食者別種九月十月出賣爾雅翼今人種薤皆以大蒜置硫黃其中久則種分為

薤

羣芳譜八月栽根正月分時宜肥壤數枝一本則茂而根大五月葉青則掘之否則肉不滿

山薤

附

爾雅勤山薤

本草蘇頌曰山薤莖葉與家薤相似而根差長葉差大僅若鹿葱體性亦與家薤同

野薤

附

農書野薤生麥原中葉似薤而小味益辛亦可供食

蘼芜



蘼荳

蘼荳

荳許氏說文作後云薑屬可以香口

一名香荳一名胡荳

一作胡荳

一名

胡荳處處種之莖青而柔葉細有花岐立夏後開細花  
成簇如芹菜花淡紫色五月收子如大麻子亦辛香子  
葉俱可用生熟皆可食甚有益於世者根軟而白多鬚  
綏綏然故謂之荳張騫得種於西域故名胡荳後因石  
勒諱胡改作香荳又以莖葉布散呼為蘼荳味辛氣溫  
消穀止頭痛治五臟補不足利大小腸通心脾竅及小

腹氣拔四肢熱治腸風合諸菜食氣香令人口爽辟飛尸鬼疰蠱毒冬春采之香美可食亦可作菹道家五葷之一伏石鍾乳久食損精神令人多忘凡腋氣口臭隱齒脚氣金瘡久病人不可食同斜蒿食令人汗臭難產服補藥及藥中有白朮牡丹皮者忌

齊民要術胡荽宜黑輭青沙良地三徧熟耕春種者用秋耕地開春凍解地起有潤澤時急種之一畝用子二升概種漸鋤取賣供生菜也一畝用子一升疎密正好

欲種時布子於堅地一升子與一掬濕土和之以脚蹉

令破作兩段

子有兩仁不破兩段則密水澆而不生著土者令注入穀中則生疾而長速種時欲

燥此菜非雨不生所以不求濕下也

於旦暮潤時以耬耩作壟以手撒子

即勞令平春雨難期必須藉澤蹉跎失機則不得矣地

正月中解凍者時節既早雖浸芽不生但燥種之不須

浸子若二月始解者歲月稍晚恐澤少不時生失歲計

矣便於煖處籠盛胡荽子一日三度以水沃之二三日

則芽生於旦暮時投潤漫擲之數日即出矣大體與種

麻法相似假令十日二十日未出者亦勿怪之尋自當

出有草方令拔之菜生二三寸鋤去概者供食及賣十

月足霜乃收之取子者仍留根間拔令稀

概即不生

以草覆

上

覆者得供生食又不凍死

又五月子熟拔取曝乾

濕則滯鬱

格柯打出

作蒿蒿盛之冬日亦得入窖夏還出之但不濕亦得五

六年停此菜早種非連雨不生所以不同春月要求濕

下種麥底地亦得種止須急耕調熟六月中連雨生則

根彊科大七月種者雨多亦得雨少則生不盡但根細



科小不同耳

羣芳譜種植宜肥濕地先將子捍開四五月晦日晚種以灰糞覆之水澆則易長六七月布種者可竟冬食春月按子沃水生芽者小小供食而已都下火坑鬱烝者莖葉驚黃色甚香美脆嫩第非出自然恐不益人

野蓴菜

附

野蓴菜一名天胡荽一名石胡荽一名鵝不食草一名雞腸草小草也生石縫及陰濕處高二三寸冬月生苗

細莖小葉形狀宛如嫩胡荽氣辛薰不堪食夏開細花  
黃色細子極易繁衍僻地則鋪滿辛寒無毒通臭氣利  
九竅吐風痰解毒明目散翳消腫汁制砒石雄黃



苜蓿



# 苜蓿

苜蓿一名木粟

爾雅翼作木粟言其米可炊飯也

一名懷風一名光風

草

西京雜記云風在其間常蕭蕭然日照其花有光彩故名懷風又名光風

一名連枝草

西京

雜記云茂陵人謂之連枝草

一名牧宿

本草云郭璞作牧宿謂其一宿根自生可飼牧牛馬也

名塞鼻力迦

見金光明經

張騫自大宛帶種歸今處處有之

苗高尺餘細莖分叉而生葉似豌豆頗小每三葉攢生

一處梢間開紫花結彎角角中有子黍米大狀如腰子

三晉為盛秦齊魯次之燕趙又次之江南人不識也味

苦平無毒安中利五臟洗脾胃間諸惡熱毒長宜飼馬  
尤嗜此物

元史食貨志至元七年頒農桑之制令各社布種苜蓿  
以防飢年

四民月令七月八月可種苜蓿

齊民要術地宜良熟七月種之畦種水澆一如韭法春  
初既中生噉為羹甚香此物長生種者一勞永逸都邑  
負郭所宜種之

羣芳譜種植夏月取子和蕎麥種刈蕎時首宿生根明年自生止可一刈三年後便盛每歲三刈欲留種者止一刈六七年後墾去根別用子種若效兩浙種竹法每一畝今年半去其根至第三年去另一半如此更換可得長生不煩更種若墾後次年種穀必倍收為數年積葉壞爛墾地復深故今三晉人刈草三年即墾作田亟欲肥地種穀也

欽定授時通考卷六十二



欽定四庫全書

欽定授時通考卷六十三

農餘

果一

梅

杏

桃

李

梨

槎

櫨

楨

特

棠梨

沙棠

棣

櫻桃

白櫻桃

山櫻桃

楊梅

枇杷

柰

林檎


蘋果

山櫨

枳椇

葡萄

梅



# 梅

梅一名蓀實似杏大者如小兒拳小者如彈熟則黃微甘酸可啖生純青酸甚多食泄津液生痰損筋蝕脾傷腎弱齒為脯含之口香造煎堪久子赤者材堅白者材

脆種類不一白者有綠萼梅

實大五月熟

重葉梅

結實多雙

消梅

實甘青止可生啖雖酢甚鬆脆多液無滓花重者實小單者大不宜熟亦不堪煎造

冠城梅

實甚大五

月時梅

實大五月熟

早梅

四月熟

冬梅

實小十月可用不能熟

紅者有鶴

頂梅

實大

鴛鴦梅

梅譜云即多葉紅梅也結實必雙凡雙果必雙蒂惟此一蒂而結雙梅尤

異雙頭梅

或結並蒂小實不堪啖

杏梅

實扁而斑味似杏

異品有冰梅

實吐

自葉罅不花色如冰玉無核含之自融如冰佳品也

范成大梅譜江梅

子小硬

具區

志洞庭諸山有吐花酸

實小味酸方吐花即可啖

脆梅

一名時裏梅實圓而大可

以蜜漬及蒸製

禮記內則桃諸梅諸卵鹽

疏桃諸梅諸卵鹽者言食桃諸梅諸之時以卵鹽和


之王肅云諸菹也謂桃菹梅菹即今之藏桃也藏梅

也欲藏之時必先稍乾之故周禮謂之乾蓀

夏小正五月煮梅為豆實

齊民要術梅實小而酸核有蠶文杏實大而甜核無文  
采梅任調食及蠶杏則不任此用世人或不辨言梅杏  
為一物失之遠矣

杏





杏

杏一名甜梅樹大實多形如彈丸有大如梨者生酢熟

甜性熱生痰及癰疽不宜多食小兒產婦尤忌種類不

一有金杏

圓而黃熟最早味最勝一名漢帝杏謂武帝上林苑遺種也大如梨黃如橘出濟南

杏

熟時色青白或微黃味甘淡而不酢出滎陽

沙杏

甘而多汁即世所稱水杏也

梅杏

黃而

帶酢

奈杏

青而帶黃出鄴中

金剛拳

赤大而扁肉厚味佳甚又名肉杏

山杏

肉薄不堪

食但可收仁用

巴旦杏

一名八擔杏出回回地今關西諸處皆有葉差小實小而肉薄核如梅皮薄而

仁清甘鮮者九脆美稱果之佳者

又有赤杏黃杏

廣志云出鄴中

蓬萊杏

黃而帶酢

格物叢話杏實味香於梅而酸不及核與肉自相離其仁可入藥

羣芳譜種桃樹接杏結果紅而且大又耐久不枯

文獻通考杏多實不蟲者來年秋禾善五木者五穀之先欲知五穀但視五木故五果分五行所以表五穀又按五果之義夏之果莫先於杏五時之首寢廟必有薦而此杏適丁夏之時故特取之杏之枝葉華果皆赤故古者鑽燧夏取棗杏之火也



桃



# 桃

桃實甘子繁故字從木從兆性酸甘熱可食多食令人有熱能發丹石毒生桃尤不宜多食有損無益性早實三年便結子五年即老結子便細十年必死以皮緊也若四年後用刀自樹本豎剗其皮至生枝處使膠盡出

則多活數年種類頗多有崑崙桃

一名王母桃一名仙人桃一名冬桃出洛

中味扁桃

出波斯國形扁肉澀不堪食核狀如盒高五丈圍四五尺葉似桃而濶大三月開白花

花落結實如桃彼地名波淡樹仁甘美番人珍之北戶錄云形如半月狀出占卑國

新羅桃

子可食性

熱方桃

形微方

餅子桃

狀如香餅味甘

油桃

小於衆桃有赤斑點光如塗油花多子少

不堪噉惟取仁出汁中

巨核桃金桃

形長色黃如金肉黏核多蛀熟遲用柿接者味甘色黃

銀桃

形圓色青肉不黏核其皮光澤如李一名光桃

十月桃

形圓色青肉黏核味甘酸十月中成

熟一名古冬桃又名雪桃按爾雅云旄冬桃岷云桃子冬熟者不旄當即此也

毛桃

即爾雅所謂旄桃小

而多毛核黏味惡不堪食其仁充滿多脂可入藥

水蜜桃

獨上海有之而顧尚寶西園所出尤佳其

味亞于生荔枝

雷震紅

張七澤云每雷雨過輒見一紅暈最為難得

他如紅桃細桃

白桃烏桃皆以色名五月早桃秋桃霜桃皆以時名臘

脂桃絡絲桃皆以形名王敬美有言桃種最多金桃蜜

桃灰桃之類多植園中取果壽星桃樹矮而花能結大  
桃亦奇種可玩桃殊不堪食客燕雜記京師中佳果有  
紅桃白銀桃小桃蟠桃合桃酒紅桃霜下桃肅寧八月  
桃

禮記內則桃曰膽之

疏桃多毛拭治去毛令色青滑如膽也或曰膽謂苦  
桃有苦如膽者擇去

周禮饋食之遵其實桃

夏小正六月煮桃桃也者施桃也施桃也者山桃也煮  
以為豆實也

埤雅諺曰白頭種桃又曰桃三李四梅子十二言桃生  
三歲便放花果早於梅李故首雖已白其花子之利可  
待也

種樹書桃樹接李枝則紅而甘梅樹接桃則脆桃樹接  
杏則大桃熟時牆面暖處寬深為坑收濕牛糞納坑中  
收好桃核十數枚尖頭向上坑中糞土蓋厚一尺深春



茅生和土移種之

羣芳譜凡種桃淺則出深則不生故其根淺不耐旱而易枯近得老圃所傳云於初結實次年斫去其樹復生又斫又生但覺生虱即斫令復長則其根入地深而盤結固百年猶結實如初又桃實太繁則多墜以刀橫斫其幹數下乃止又社日春根下土持石壓樹枝則實不墜桃子蛀者以煮猪首汁冷澆之或以刀疎斫之則穰出而不蛀如生小蟲如蚊俗名蚘蟲雖桐油灑之不能

盡除以多年竹燈檠掛懸梢間則蟲自落甚驗



李



# 李

李一名嘉慶子

爾雅翼云李木之多子者故從子本草云木之多子者多矣何獨李稱多子耶

按素問言李味酸屬肝東方果也則李於五果屬木故得專稱爾

實有離核合核無核

之異小時青熟則各色有紅有紫有黃有綠又有外青

內白外青內紅者大者如杯如卵小者如彈如櫻其味

有甘酸苦澀之殊性耐久樹可得三十年雖枝枯子亦

不細種類頗多有麥李南居李季春李木李御黃李均

亭李擘李饒李中植李趙李御李赤李冬李離合李皆

李之特出者他如經李杏李黃扁李夏李名李縹青李  
建黃李青皮李赤陵李馬肝李牛心李紫粉李小青李  
水李扁縫李金李鼠精李合枝李奈李晚李之類未可  
悉數建寧者甚甘今之李乾皆從此出

爾雅棗李曰寔之

疏謂治棗李皆去其寔寔者柢也

羣芳譜移栽春月取近根小條栽之離大樹遠者不用  
待長移之別地性喜開爽宜稀栽南北成行率兩步一

株太密聯陰則子小而味不佳樹下勤去草而不可耕  
耕則樹肥而無實如嫁李正月一日或十五日以磚石  
著李樹岐中則實繁又臘月中以杖微打樹岐間正月  
晦日復打可令足子又法以煮寒食醴酪火榛著樹間  
亦良或曰桃樹接李則生子甘紅

梨





# 梨

梨一名果宗一名快果一名玉乳一名蜜父北地處處有之南方惟宣城為勝二月開花上巳日無風則結梨必佳有二種瓣圓而舒者果甘缺而皺者味酸果圓如榴頂微凹無尖瓣性甘寒無毒潤肺涼心消痰降火解

瘡毒酒毒乳梨

本草云又名雪梨出宣城皮厚肉實味長

鵞梨

本草云又名錦梨出河之

南北皮薄漿多味頗短香則過之

二梨皆入藥其餘水梨赤梨茅梨禦

兒梨紫糜陽城夏梨秋梨種類非一他如紫香水梨

本草

云又名消梨出北地最為上品

張公夏梨

廣志云出洛陽北邙海內惟有一株

廣都梨鉅

鹿豪梨

廣志云重六斤數人分食之

鉅野梨新豐箭谷梨關西谷中

梨

廣志云關以西京兆右扶風界諸谷中梨率多供御

味色香種種奇絕未可悉

數本草紫花梨

療心熱耳目記武宗時青城山邢道士以青丹兩粒取梨汁進之曰太白南溪

紫花梨也壽春公主于真定得一株及秋實手選而進之

含消梨

三輔黃圖漢武帝御宿園出大梨如

五升瓶落地則破其取梨先以布囊承之號曰含消

真定御梨

魏文帝詔真定郡梨大若拳甘若蜜

脆若菱可以解煩釋悵

禮記內則祖梨曰攢之

疏攢之者鑽治其蝨處也

爾雅梨山橘

疏此果在山之名則曰橘人植之曰梨

種樹書桑上接梨則脆而甘美

羣芳譜種梨梨熟時埋之經年至春生芽次年分栽溉以肥水至冬葉落附地刈之以炭花燒頭二年即結子若魯生及種而不栽則結子遲每梨百十餘子惟二子生梨餘皆生杜又栽梨春分前十日取旺梨笋如拐樣

截其兩頭火燒鐵器烙定津脈臥栽於地即活

又接梨取棠杜臂以上者大者接五枝小者二三枝梨葉微動為上時欲開芽為下時先作麻紉纏十數匝以小利鋸截杜令離地五六寸將原幹用利刃貼皮剝開尖竹籤刺入皮木之際令深一尺許預取結梨旺嫩枝向陽者長五六寸削如馬耳名曰梨貼用口含少時以借其氣插入杜樹孔中大小長短削與所刺等拔去竹籤即插梨貼至所探處緊縛勿動搖以綿裹杜樹頂封

十五

里猶生又藏梨初霜即收多經霜不能至夏於屈下掘  
深窖坑底無令潤濕收梨在中不須覆蓋便可經夏摘  
時須好接勿令損傷物類相感志梨與蘿蔔相間收或  
削梨蒂種于蘿蔔內藏之皆可經年不爛本草就樹上  
以囊包裹過冬乃摘亦妙

榘附

爾雅榘蘿

注今陽榘也實似梨而小酢可食

陸璣詩疏槎一名赤蘿一名山梨也今人謂之陽槎實似梨但小耳一名鹿梨一名鼠梨

本草李時珍曰山梨野梨也處處有之梨大如杏可食其木文細密赤者文急白者文緩

楂附

楂一名和圓子一名木桃處處有之孟州特多小於木瓜更酢澀色微黃蒂核皆粗核中之子小而圓味劣於梨與木瓜而入蜜煎湯則香美過之去惡心咽酸止酒

痰黃水功與木瓜相近

禮記內則祖梨薑桂

注祖梨之不臧者

風土記祖梨屬內堅而香

榘梲

附

榘梲似櫛子而小氣香辟衣魚樹如林檎花白綠色味甘食之宜淨洗去毛恐損肺不宜多食同車螯食發疔氣



述異記江淮南人至北見楡栲以為櫨子

羣芳譜楡栲出關陝沙苑者更佳

梨棠



棠梨

棠梨實如小棟子霜後可食其樹接梨甚佳處處有之  
有甘酢赤白二種

爾雅杜甘棠

注今之杜梨

又杜赤棠白者棠

疏赤者為杜白者為棠

鄭康成毛詩箋北人謂之杜梨南人謂之棠梨

通志甘棠謂之棠梨又海棠子名海紅爾雅赤棠也狀如木瓜而小二月開花八月熟

陸璣詩疏甘棠與赤棠同耳但子有赤白美惡白棠甘棠也子多酸美而滑赤棠子澀而酢木理亦赤可弓材本草牝曰杜牡曰棠或云澀者杜甘者棠杜者澀也棠者饴也

齊民要術棠熟時收種之否則春月移栽八月初天晴時摘葉薄布曬令乾可以染絳

必候天晴時少摘葉乾之復晴則摘慎勿顛收

若遇陰雨則泥  
泥不堪染絳也

成樹之後歲收絹一百疋

亦可多種利  
乃勝桑也

沙棠

附

山海經崑崙之丘有木焉其狀如棠黃華赤實其味如  
李而無核名曰沙棠可以禦水食之使人不溺本草今  
嶺外寧鄉瀧水羅浮山中皆有之

棣附

棣一名郁李一名鬱李一名爵李一名車下李一名鬱  
梅一名爵梅山野處處有之花及子並似木李惟子小

如櫻桃熟赤色五月熟可食又可入藥

陸璣詩疏許慎曰鬱白棣樹也如李而小正白又有赤棣樹亦似白棣葉如刺榆而嫩圓子正赤

羣芳譜性潔喜暖日和風澆宜清水忌肥核仁氣味甘苦酸平而潤無毒治大腹水腫面目四肢浮腫利小便通水道消宿食下結氣宣大腸氣澀滯燥瀉不通



桃 櫻





# 櫻桃

櫻桃

本草衍義云以其形肖桃故曰櫻桃綱目云其類如櫻珠故謂之櫻

一名楔 一名荆

桃

爾雅云楔荆桃注云今櫻桃最大而甘者謂之崖蜜

一名牛桃 一名英桃

見博物志

一名鷩桃 一名含桃

說文云鷩桃鷩鳥所食故又曰含桃

一名朱櫻

陶弘景本

草經注云櫻桃即今朱櫻

埤雅云其顆大者如彈丸小者如珠璣生

時青及熟色鮮瑩深紅者為朱櫻紫色皮內有細點者

為紫櫻味最珍重又有正黃明者謂之蠟櫻小而紅者

謂之櫻珠味皆不及極大者有若彈丸核細而肉厚尤

難得膳夫錄云大而殷者曰吳櫻桃黃而白者曰櫻桃  
小而赤者曰水櫻桃味甘無毒調中益氣美志止洩精  
水穀痢令人好顏色多食令人吐有暗風及喘嗽濕熱  
病人忌食小兒尤忌

禮記月令羞以含桃先薦寢廟

疏案月令諸月無薦果之文此獨羞含桃者以此果  
先成異於餘物故特記之

山家清供結實時須張網以驚鳥雀置葦箔以護風雨

若經雨則蟲自内生人莫之見用水浸良久則蟲皆出  
乃可食

羣芳譜種植二三月間分有根枝栽土中糞澆即活仍  
記陰陽否則不生即生亦不結實

白櫻桃 附

因樹屋書影白櫻桃生京師西山中微酸不及朱櫻之  
甘碩也

山櫻桃 附

本草山櫻桃一名朱桃一名麥櫻一名英豆一名李桃  
樹如朱櫻但葉尖長不團子小而尖生青熟黃赤亦不  
光澤而味惡不堪食味辛平無毒

欽定四庫全書

欽定四庫全書

楊梅

金匱要略

卷六十三



楊梅

楊梅一名杔子生江南嶺南山谷間會稽產者為天下冠吳中楊梅種類甚多名大葉者最早熟味甚佳本出茗溪移植光福山中尤勝又次為青蒂白蒂及大小松子此外味皆不及樹若荔枝葉細青如龍眼及紫瑞香本草云楊梅樹葉冬月不凋二月開花結實形如楮實子肉在核上無皮殼五月熟生白熟則有白紅紫三色紅勝於白紫勝於紅凡楊梅顆大核細為上鹽藏蜜漬

糖置火酒浸皆佳可致遠多食令人傷熱食核中仁可解味酸甘微熱滌腸胃除煩憤惡氣久食損齒及筋發瘡致痰

羣芳譜種植性宜山地核投糞池中浸六月取出收潤土中三月鋤地種之待長尺許次年移栽三四年後以生子枝接之次年仍移栽山地多留宿土臘月內離根四五尺於高處開溝灰糞壅之不宜著根每遇雨肥水滲下則結子大而肥



物類相感志桑樹接楊梅則不酸樹上生癩以甘草釘之則去

枇杷



枇杷

枇杷樹高丈餘易種肥枝長葉微似栗大如驢耳背有黃毛形如枇杷故名陰密婆婆可愛四時不凋冬開白花三四月成實簇結有毛大者如雞子小者如龍眼味甘而酢白者為上黃者次之皮肉薄核大如茅栗相傳枇杷秋萌冬花春實夏熟備四時之氣他物無與類者襄漢吳蜀淮揚閩嶺江西湖南北皆有廣志云無核者名焦子出廣州味甘酸平無毒止渴下氣利肺氣止吐

逆潤五藏主上焦熱可克果食多食發痰傷脾同炙肉  
及熱麵食患熱黃疾花治頭風鼻流清涕木白皮止吐  
逆不下食葉治肺胃病取其下氣氣下則火降痰順而  
逆嘔欬渴皆愈

學圃餘疏枇杷出東洞庭者大自種者小然却有風味  
獨核者佳蓋他果須接乃生獨此果直種之亦能生也  
物類相感志枇杷不宜糞



柰



柰

柰一名頻婆與林檎一類而二種江南雖有西土最豐  
樹與葉皆似林檎而實稍大味酸微帶澀可栽可壓白  
者為素柰赤者為丹柰亦曰朱柰青者為綠柰皆夏熟  
本草涼州有冬柰冬熟子帶碧色性寒多食令人肺家  
膨脹病人尤甚

廣志西方多柰家家收切曝乾作脯十百斛以為蓄積  
謂之頻婆糧

林檎





林擒

林擒一名來禽一名蜜果一名文林郎果一名冷金丹

元氏長慶集林擒花一名月臨花

生渤海間以柰樹搏接二月開粉紅

花子如柰小而差圓六七月熟色淡紅可愛有甜酸二

種有金紅水蜜黑五色甜者早熟而味脆美酸者熟差

晚須爛方可食黑者色如紫柰有冬月再實者性甘溫

下氣消渴多食脹滿或云食多覺膨脹並嚼其核即消

一云食其子令人心煩生者食多生瘡癩

學圃餘疏花紅即古林擒

王羲之帖青李來禽子皆囊盛為佳函封多不生

物類相感志林擒樹生毛蟲埋蠶蛾於下或以洗魚水

澆之即止

欽定四庫全書

欽定四庫全書

三

蘋果



# 蘋果

蘋果

按本草不載蘋果而釋柰云一名頻婆據採蘭雜志學圃餘疏頻婆又當屬此名蓋與柰一類二種

也


出北地燕趙者尤佳接用林檎體樹身聳直葉青似林檎而大果如梨而圓滑生青熟則半紅半白或全紅光潔可愛玩香聞數步味甘鬆未熟者食如棉絮過熟又沙爛不堪食惟八九分熟者最美

採蘭雜記燕地有頻婆味雖平淡夜置枕邊微有香氣即佛書所謂頻婆華言相思也

學圃餘疏北土之頻婆即花紅一種之變也吳地素無  
近亦有移植之者



山 楮





山櫨

山櫨

一作查其味似櫨故名

一名棠棣子 一名羊棣

執字之誤

一名山

裏果 一名茅櫨 一名猴櫨 一名鼠櫨

本草云生於川原茅林中猴鼠喜食

之故有諸名

一名杔子 一名槩梅

爾雅云杔槩梅

一名赤瓜子

本草云當

作赤棗櫨狀似赤棗虞衡志有赤棗王璆百一方云山裏紅果俗名酸棗正合此義

其類有二種

皆生山中一種小者樹高數尺多枝柯葉有五尖色青


背白極間有刺三月開小白花五出實有赤黃二色九

月熟其核狀如牽牛子色微白映紅甚堅一種大者樹

高丈餘花葉皆同但實稍大而色黃綠皮澀肉虛初甚  
酸澀經霜乃紅可食出滁州青州者佳為消滯要藥語  
云山楂有爛肉之功小者為棠杔子茅楂猴楂堪入藥  
肥大者為羊杔子可作果食入藥者切四瓣去核曬乾  
收用



枳椇



枳椇

枳椇一名蜜積椇

音止

一名蜜屈律

皆屈曲不伸之義此樹多枝而曲其

子亦拳曲故名

一名木蜜一名木珊瑚一名雞距子一名雞爪

子一名樹蜜一名木錫

味美如錫蜜

一名白石一名白實一

名木石一名木實木高三四丈葉圓大如桑柘夏月開

花枝頭結實如雞爪形長寸許紐曲開作兩三岐儼若

雞之足距嫩時青色經霜乃黃嚼之味甘如蜜每開岐

盡處結一二小子狀如蔓荊子內有扁核赤色如酸棗

仁形


禮記曲禮婦人之贄棋棗脯脩棗栗

爾雅翼古者人君燕食所加庶羞凡三十一物棋其一也又為婦人之贄荆楚之俗亦鹽藏苧裏以為冬儲今不以為重賤者食之而已

羣芳譜今山西甚多俗名拐棗



蒲萄





葡萄

葡萄古作蒲桃又作蒲陶苗作藤蔓而極長大盛者一二本綿被山谷間三月間開小花成穗黃白色旋著實七八月熟可生食可釀酒最難乾不乾不可食今太原平陽皆製乾貨之四方西北人食之無恙東南食之多病熱其根莖中空相通暮溉其根至朝而水浸其中故俗呼其苗為木通澆以米泔水最良以麝入其皮則葡萄盡作香氣以甘草作針針其根則立死

種樹書葡萄欲其肉實當栽於棗樹之旁於春鑽棗樹上作竅子引葡萄枝入竅中透出至二三年其枝既長大塞滿樹竅便可斫去葡萄根托棗根以生便得肉實如棗北地皆如此法種

羣芳譜水晶葡萄

暈色帶白如著粉形大而長味甚甘西番者更佳

馬乳葡萄

形大而長味甘紫葡萄

黑色有大小二種酸甜二味

綠葡萄

出蜀中熟時色綠出西番者名

兔睛勝糖蜜無核尤異品也

瑣瑣葡萄

出西番實小如胡椒今中國亦有種者


雲南出

者大如棗味尤長唐史波斯國所出大如雞卵也

又種植取肥枝如拇指大者從有孔盆底穿過盤一尺於盆內實以土放原架下時澆之候秋間生根從盆底外截斷另成一架澆用冷肉汁或米泔水又收藏北方天寒初冬須以草裏埋地中尺餘俟春分後取出臥置地數日然後架起子生時去其繁葉使霑風露則結子肥大

廣羣芳譜今塞外有十種葡萄曰伏地公領孫哈蜜公領孫哈蜜紅葡萄哈蜜綠葡萄哈蜜白葡萄哈蜜黑葡萄

萄哈蜜瓊瓊葡萄馬乳葡萄伏地黑葡萄伏地瑪瑙葡萄



欽定授時通考卷六十三